

# DELINEATIO

Et vera

# RELATIO,

Invasionis & Oppugnationis Castrorum  
Turcicorum

à

POLONO & LITHVANICO Exercitu

ad

CHOCIMUM,

Ipsò Festo Martini, Anno 1673.

factæ.

---

**D**Extera Domini fecit Virtutem, potentior enim hostis fuit utpote intra fossas & Vallum ingens, loco inaccessò ad fluvium Tyram & Arcem Chocimensem, triginta millibus Turcarum fortiter armatus, intra duas horas Turcarum Robur periiit. Res ex Particularibus constabit.

Die 9. Novemb. Exercitus Regni & Magni Ducat. Lithv. ante Vallum Hussheim Bassæ, sub Chocimo ad binos Sagittarum ictus stetit, velitationibus ea dies transacta, cum Cæde tamen Turcarum, Nox aciem Polonam & Lithvanam, ad Castra quarta parte milliaris fixa, revocavit. Excubiis campestribus in loco Aciei relictis.

Die 10. Novemb restituta in hesternum locum Acies, nullum è vallo Turcamelicere poterat. Hora Decima tota Acies cum Tormentis vallo propior, datis è tormentis ignibus, Moldavo-

davorum sex millia, cum Duce Moldaviæ, per ultroneam De-  
ditionem accepit, eorum vallum ex nunc Peditatu & tormentis  
firmatum, ex eoq; Globi Tormentorum in proximum Turca-  
rum vallum conversi, intra eandem Horam Tormentis Polo-  
nicis & Lithvanicis cinctum Turcarum vallum & impetum &  
ex vallo Moldavico insultus facti in vallum Turcicum. Nox  
detinuit explicatas Acies ad crastinum, sed & Plavia quatuor  
dies & noctes Equis molestior fuit Pabulo destitutis.

Die 11. Novemb. Hora octava Plebs quæ castra sequitur si-  
mul cum peditatu, quos pone secuti Equites, assultum in castra  
Turcarum fecere, primi vallum aggressi. E dextro Cornu Ca-  
taphracti vexilli Illustris Palatini Podlachix, iidemq; Turcas de  
vallo moliebantur. E sinistro cornu vexillum Cataphractorum  
Chodhieviez supremi Præfecti stabuli M. D. Lithvanix, tum  
& illustris Palatini Polocensis vallum subintrarunt, aliunde è  
Sylvâ Illustrissimus Dux M. D. Lithvanix Portam valli expu-  
gnavit, quâ & vexilla Militum Regni confluxere. Fit Cædes ab  
utrinq; fugiunt Equites Turcarum ad Pontem Fluvii Tyræ,  
mox ab Illustris Campi Duce M. D. Lithvanix intercipiuntur,  
quibus instat à tergo Polonus, frameis res geritur, fit Ianiena  
super Pontem, alii Turcarum per medias Polonorum Acies ar-  
mis viam frustra ad Templum Rutenicum quærebant, alii  
quorum duo erant millia, fluvium ingressi, à Lithvanicis copiis  
oppressi cecidere. Post Equitum Stragem ad Janzaros ven-  
tum, octo eorum millia erant, quinq; millia ponte superato  
Camenecium fugiebant, sed & hos insecutus miles Polonus æq;  
ac Valachus, in eum finem ab illâ parte ordinatus, cadaveribus  
toto Camenecensi itinere stravit, salvarunt se per pauci in Arce  
Chocimensi, quorum tamen expugnatio in crastinum dilata.  
Accepta itaq; Castra Turcarum, Auro, Argento, Tabernacu-  
lis, variisq; splendoribus, Equis ac Camelis plena, Peditatus  
post fortia gesta famemque acerbam in Castris Turcarum pa-  
rato

E XV. 117. me. not. Doppo 1104 (11/2)  
577

rato commeatu reficitur. Aliquot supra viginti Tormenta nostris cessere, Bassæ tres inter cæsos & ipsi cæsi inventi. Hussein Bassæ insignia intercepta. Primi quiq; Turcarum perierunt: Omnino Deus mirabilia fecit, in eo loco ubi ante 50. annos, Exercitus Polonus obsidione Turcarum premebatur. Cæterum & ex Polonis ac Lithvanis fortissimi quiq; cecidere, hastarum dimidia ferè pars in Hoste relicta, bisq; Fortuna Polonorum intra vallum periclitabatur, nisi Deus & virtus ingens militum accessisset. Valachia, Moldavia & Transylvania Duces cum suis Gentibus in nostras transferunt Partes, ingenueq; fatentur, fortissimum hisce in Castris Exercitum Turcarum periisse à seculo vix habitum, quorum Potentiam consulto ante Victoriã diminuebant, ne Polonorum animos frangerent.

Reliqua videre licet hac in delineatione:

- A. Camenecium.
- B. Arx & oppidum Svaniec.
- C. Pons super fluvium Tyram.
- D. Arx Chocim.
- E. Cerkiouv, templum Rutenicum.
- F. Castra Turcica.
- G. Hussein Bassæ Tentorium & Vexillum primarium.
- H. Locus cædis Capitanei Brombergensis.
- I. Castra Moldavorum & Valachorum.
- K. Ordo Polonici &
- L. Lithvanici Exercitus.
- M. Tormenta bellica Polon. & Lithvan.
- N. Peditatus Polon. invadit & oppugnat castra Turcica.
- O. Invasio Lithvanorum Portam Turcicorum castrorum oppugnantium.

P. Cata-

- P. Cataphractorum Lithvan. invasio.  
 Q. Turcarum ordo & defensio in castris.  
 R. Equites Turcici quærun fugam.  
 S. Turcæ à Militibus Lithvanicis in castra & fluvium  
 pelluntur.  
 T. Turcarum omni ex parte cinctorum confusio.  
 V. Turcæ aufugiunt pars versus Camenecium Choci-  
 mum, Cetzora, pars se in fluvium præcipitat.  
 W. Tormenta Polonica è castris Moldav. ad castra  
 Turcica.  
 X. Tormenta Polonica Chocimum oppugnantia.  
 Z. Sylva è quâ Exercitus Polonico - Lithvanicus ad ca-  
 stra pergit Turcica.

Insignis hujus de Turcis Victoriz præfagium reperire licet in  
 sequenti Anagrammate sub felicit Coronationis, Sac: Reg: Msis, gloriosis-  
 simæ nunc memoriæ, auspiciu scripto.

**MICHAEL THOMAS CORIBUT**, PRINCEPS  
 VISNIOVECIVS, DUX IN WISNIOVEC ET LVNIE, DIVI-  
 NA NVMINIS INDVLGENTE GRATIA ELECTVS ET CORO-  
 NATUS POLONORVM REX, LITVANIAE <sup>RUSS</sup> PRUSSIAE  
 MASOVIAE LIVONIAE VOLINIA  
 SAMOGITIAE CYHOVIAE PODLACHIAE,  
 SMOLENSCIAE, SEVERIAE CSERNICHO-  
 VIAEQVE &c. &c.

*Per Anagramma purum Metricum*

Ad Fortissimam Poloniam.

**I**N regno cum SOLE NOVO POLONIA LVNAM  
 Aspicias: hinc vivum Te vocitabo Polum.  
 REX TVVS ob radios animi SOL jure meretur  
 Dicier: illius cætera stemma tenet:  
 I nunc, duc, jacta, curvatas ASIA Lunas  
 Ingens! Lux hæc his cedere nescit ovans.  
 Hic est uniti LUX ipse JEHOVA PIASTI  
 GENS IN EO, voveo, vive, vigeque, diu!